

Na temelju članka 19. stavak (4) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), Vlada Federacije Bosne i Hercegovine, na 329. sjednici, održanoj 01.09.2022. godine, donosi

**ZAKLJUČAK**  
**O DONOŠENJU SMJERNICA ZA SMANJENJE POTROŠNJE ENERGIJE I ENERGENATA**  
**U FEDERACIJI BOSNE I HERCEGOVINE**

1. Vlada Federacije Bosne i Hercegovine prihvata Informaciju Federalnog ministarstva energije, rudarstva i industrije o donošenju Smjernica za smanjenje potrošnje energije i energenata u Federaciji Bosne i Hercegovine (u daljnjem tekstu: Smjernice) kako bi upozorili na važnost promjene ponašanja i racionalnog korištenja energije i energenata.

2. Smjernice iz točke 1. ovog zaključka se sastoje od mjera koje mogu preduzeti građani, javni sektor, poduzetnici i energetske subjekti, a po karakteru mogu biti kratkoročne i dugoročne mjere.

3. Vlada Federacije Bosne i Hercegovine zadužuje sve javne institucije i javna poduzeća u Federaciji Bosne i Hercegovine da putem imenovanih energijskih suradnika, energijskih menadžera i energijskih koordinatora intenziviraju svoje aktivnosti sukladno Pravilniku o Informacijskom sustavu za energijsku učinkovitost u Federaciji Bosne i Hercegovine („Službene novine Federacije BiH“, broj: 2/19), kao i da na svojim oficijelnim web stranicama, objave Smjernice.

4. Vlada Federacije Bosne i Hercegovine zadužuje sve administrativne jedinice da izrade konkretne Programe za slučaj potencijalne krize, kako bi se implementirale Smjernice, informisala javnost i osigurala provođenje predloženih mjera.

5. Program iz točke 4. ovog zaključka trebao bi najmanje da sadrži sljedeće elemente:

- potrebe za energentima,
- rizici od smanjenja/prekida opskrbe iz različitih razloga, nedostajuće količine,
- mjere koje treba preduzeti da bi se smanjile posljedice i
- potrebna financijska sredstva.

6. Vlada Federacije Bosne i Hercegovine zadužuje Federalno ministarstvo energije, rudarstva i industrije da ovaj zaključak sa Smjernicama dostavi svim kantonalnim vladama, na znanje i postupanje.

7. Vlada Federacije Bosne i Hercegovine zadužuje Federalno ministarstvo energije, rudarstva i industrije da ovaj zaključak, sa pratećom Informacijom o donošenju Smjernica i Smjernice, dostavi Ministarstvu vanjske trgovine i ekonomskih odnosa Bosne i Hercegovine, na znanje i postupanje.

8. Ovaj zaključak stupa na snagu danom donošenja.

V. broj: 1273 /2022  
01.09.2022. godine  
Sarajevo



**PREMIJER**

**Fadil Novalić**